



**RUDNICI MRKOG UGLJA «BANOVIĆI» d.d. BANOVIĆI**

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166

Rješenje Kantonalnog suda Tuzla br: U/I-0891/98.

ID PDV broj: 209329530001

Identifikacijski broj: 4209329530001

Porezni broj: 03421100

[www.rmub.ba](http://www.rmub.ba)



Broj: 12918 /22  
Banovići: 30.06. 2022 god.

U skladu s članom 100. stav (3) Zakona o javnim nabavkama Bosne i Hercegovine („Sl. glasnik BiH”, broj: 39/14), člana 82. Statuta RMU “Banovići” d.d. Banovići broj: 317/16 od 11.01.2016 godine, a rješavajući po žalbi ponuđača "Siming" d.o.o. Jesenice na Dolenjskem izjavljenoj na Odluku o izboru najpovoljnijeg ponuđača broj: 11486/22 od 10.06.2022 godine u otvorenom postupku javne nabavke – Nabavka separatnog ventilatora – 1 komad, direktor donosi

## **ODLUKU** **o usvajanju žalbe i izboru najpovoljnijeg ponuđača**

### **Član 1.**

Usvaja se žalba ponuđača "Siming" d.o.o. Jesenice na Dolenjskem izjavljena na Odluku o izboru najpovoljnijeg ponuđača broj: 11486/22 od 10.06.2022 godine u otvorenom postupku javne nabavke – Nabavka separatnog ventilatora – 1 komad-, kao osnovana.

### **Član 2.**

Stavlja se van snage Odluka o izboru najpovoljnijeg ponuđača broj: 11486/22 od 10.06.2022 godine.

### **Član 3.**

Donosi se Odluka o izboru najpovoljnijeg ponuđača za nabavku roba - Nabavka separatnog ventilatora – 1 komad, kojom se ugovor dodjeljuje ponuđaču "Siming" d.o.o. Jesenice na Dolenjskem, prema ponudi broj: 035-22-MB-5 od 11.05.2022 godine za ponuđenu cijenu 25.554,40 EUR, bez obračunatog PDV-a.

### **Član 4.**

Ponuđač "Siming" d.o.o. Jesenice na Dolenjskem dužan je da u roku od pet (5) dana od dana prijema ove odluke dostaviti originala ili ovjerene kopije dokaza iz člana 45. ZJN BiH koji su precizno definisani u tenderskoj dokumentaciji.

### **Član 5.**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 1. Zakona o javnim nabavkama.

### **Član 6.**

Ova Odluka objavit će se na web-stranici [www.rmub.ba](http://www.rmub.ba) istovremeno s upućivanjem odluke ponuđačima koji su učestvovali u postupku javne nabavke, shodno članu 70.stav (6) Zakona o javnim nabavkama.

#### Član 7.

Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

#### Član 8.

Ova odluka stupa na snagu danom donošenja

### Obrazloženje

"Siming" d.o.o. Jesenice na Dolenjskem (u daljem tekstu Žalitelj) je uputio Rudnicima mrkog uglja „Banovići“ d.d. Banovići (u daljem tekstu Ugovorni organ) žalbu na Odluku o izboru najpovoljnijeg ponuđača broj 11486/22 od 10.06.2022 kojom je kao najpovoljniji ponuđač izabran TEVE VARNOST ELEKTRONIKA d.o.o. VISOKO.

Prije nego što se uputio u meritorno odlučivanje Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na dopuštenost, blagovremenost izjavljenost od ovlaštene osobe, odnosno na pretpostavke propisane odredbama članova 100. i 101. ZJN.

Ispitujući pravne pretpostavke za postupanje po predmetnoj žalbi, Ugovorni organ je utvrdio da su udovoljene procesne pretpostavke za ulaganje žalbe, odnosno da je ova žalba blagovremena, dopuštena i izjavljena od ovlaštenog lica zbog čega je moguće daljnje postupanje po istoj.

U svojoj žalbi žalitelj navodi :

*Nakon uvida u dokumentaciju možemo zaključiti da ponuda ponuđača TEVE VARNOST ELEKTRONIKA d.o.o. VISOKO ne može biti prihvaćena s obzirom da se u njoj nalaze neistinite, i nepotpune informacije što možemo potkrijepiti činjenicom da katalog dostavljen u ponudi nije istovjetan originalnom katalogu proizvođača. Naime, na stranici 8 tenderske ponude ponuđača TEVE VARNOST ELEKTRONIKA d.o.o. VISOKO, nalazimo karakteristike uobičajenih tipova ventilatora proizvođača Bartec Varnost, gdje se mogu isčitati karakteristike ponuđenog ventilatora AVD-650-1-15. U sklopu ovih karakteristika nisu ponuclene karakteristične krivulje rada ventilatora, što je bitna stavka, s obzirom da je rad ventilatora definiran upravo pomoću karakteristične krivulje. Samim time što nije dostavljena karakteristična krivulja ventilatora može se zaključiti da se nešto pokušava prikriti. Ovo se dodatno može potvrditi činjenicom da je u "katalogu/tehničkom listu" koji nije ovjeren od proizvođača, na strani 8 kao maksimalna izlazna količina zraka navedeno 330 m<sup>3</sup>/min.....*

*U prilogu ovog dopisa dostavljamo vam snimku zaslona koja je napravljena na službenoj stranici firme Bartec, prilikom provjere njihove kataloške dokumentacije. Snimka zaslona napravljena je na sljedećoj poveznici [https://www.bartecvarnost.si/uploads/Axial%20Mining%20Fans%202012\\_EN.pdf](https://www.bartecvarnost.si/uploads/Axial%20Mining%20Fans%202012_EN.pdf)*

*te je iz nje moguće isčitati stvarnu vrijednost maksimalne izlazne količine zraka od 500 m<sup>3</sup>/min.....*

*Sukladno tome predlažemo da se poništi Odluka o izboru najpovoljnijeg ponuđača broj 11486/22 od 10.06.2022 te da se donese nova odluka kojom će se predmetni ugovor dodijeliti firmi Siming d.o.o. Jesenice na Dolenjskem.*

Postupajući po žalbi, razmotreni su navodi iz žalbe, izvršen je uvid u kompletnu dokumentaciju, te je izvršena ponovna analiza dokaza, a u odnosu na navode i propisani zakonski postupak, te je utvrđeno da je žalba osnovana.

Ugovorni organ osnovanost žalbe obrazlaže na način:

Analizom dostavljenih ponuda odnosno uvidom u katalog/tehnički list koji je sastavni dio ponude *TEVE VARNOST ELEKTRONIKA d.o.o. VISOKO* za predmetnu nabavku, ugovorni organ je ustanovio da je isti nepotpun i nedovoljno precizan, iz razloga što je tehničkom specifikacijom traženo da uz ponudu treba dostaviti original katalog proizvođača sa tehničkim karakteristikama. Izabrani ponuđač *TEVE VARNOST ELEKTRONIKA d.o.o. VISOKO* nije dostavio ovjeren original katalog/tehnički list, a u katalogu /tehničkom listu koji je dostavljen u sklopu ponude naveo da maksimalna izlazna količina zraka iznosi 330 m<sup>3</sup>/min, umjesto stvarnih 500 m<sup>3</sup>/min koji se može isčitati u službenom katalogu firme Bartec, sa njihove internetske stranice.

Imajući u vidu navedeno, donesena je Odluka kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove Odluke.

#### **DOSTAVLJENO:**

1x učesnicima

1x a/a

**DIREKTOR**  
Elvir Salihović, dip.ecc  
*E. Salihović*



#### **Transakcijski računi:**

161 0250 007 190075 Raiffeisen bank d.d. BiH, filijala Tuzla  
132 1300 309 179345 NLB Banka d.d. Tuzla, filijala Banovići  
154 3602 003 310866 Intesa Sanpaolo banka d.d. BiH  
555 0530 049 467130 Nova banka AD Banja Luka, ekspozit. Tuzla  
102 7090 000 001366 Union bank dd Sarajevo

306 0450 000 163538 Addiko Bank d.d. Mostar  
140 4010 018 681113 Sberbank BH d.d. Sarajevo  
186 0001 048 962098 Turkish Ziraat bank Bosnia d.d.  
338 4402 212 197081 UniCredit banka d.d. Mostar  
199 0500 055 252556 Sparkasse bank dd Sarajevo

RMU.423-08